

ՂՈՒՂԱՅԵՑԻ ԽՕՁԱՅ ՆԱԶԱՐ ԵՒ ԻՐ ԳԵՐԴԱՍՏԱՆԸ

Գրեց՝ Յ. ՔԻՒՐՏԵԱՆ



ԱՅ պատմութեան խորունկ եւ բազմապիսի ծալքերուն մէջ թաղուած կը մնան բազմաթիւ հայ երեւելիներ, որոնց կենսագրութիւնը գոնէ իրենց գլխաւոր գծերուն մէջ մեզի կը մնայ անձանօթ: Այս անգամ հոս կը ներկայացնեմ մեծանուն Հայ Զուգայեցի վաճառականապետ հօջայ Նազարը եւ իր գերդաստանը:

Յարութիւն Թ. Տէր Յովհաննանց Սօջայ Նազարի եւ իր տոհմին մասին կը գրէ.—


«Սօջայ Սաֆար եւ Սօջայ Նազար, երկու եղբարք, որդիք Սօջայ Սաչիկի, (որ ի հին Զուգայ ընկալաւ գերիս աւուրս ի տուն իւր զմեծն Շահարաս արքայավայել մեծ վայելչութեամբ ասպանջական լինելով նմա). էին նահապետք սոյն ազգատոհմի»¹⁾:

Տէր Յովհաննանց չըսեր՝ ո՞ւրիչ աննելով կրցած է հաստատել թէ Սօջայ Սաֆար եւ Սօջայ Նազար որդիներն են Հին Զուգայեցի Սօջայ Սաչիկի: Վերջնոյս մասին ան տեղեկութիւն ունի Առաքել Դաւրիթեցիի Պատմութեան (1896-ի տպագրութեան, 24 էջ) մէջէն, ուր, սակայն, ո՛չ Սաֆար եւ ո՛չ ալ Նազար կը յիշուին:

Ամէն պարագայի տակ Տէր Յովհաննանց չէր սխալեր իր հաւաստիացման մէջ: Իմ ձեռագրաց հաւաքածոյին մէջ ունիմ զուս Մոնկոլական մանրանկարներով ձեռագիր մը՝ կազմուած ճաշոցի մը եւ Յայսմաուրբի մը մասերէն, որոնց վերջնոյն իւրաքանչիւր գլուխին տակ գրուած է ստացողի յիշատակարանը: Ասոնցմէ Հրատիցի. Իէ գլխուն տակ կը կարդամ «... ստացողի գրոցս. Սաւջայ Նազարին».

1) Պատմութիւն Նոր Զուգայու որ յԱսպահան:— 1880, Նոր Զուգայ, էջ 88:

եւ կողակցին իւրոյ. որդոցն Պարոն Սարֆրապին. Էլիազին. Վաթանին. եւ եղբորն. Սաւջայ Սաֆարին եւ ծրնաւզացն Սօջայ Սաչիկին. Մամին:» (էջ 86ա, 2) Նոյնը կը կրկնուի անգ՝ այլուր:



հօջայ Նազարի Յայսմաուրբէն յիշատակարանով հատուած մը:

(Զեռագիր թիւ 101 Քիւրտեան հաւաքածոյի)

Դարձեալ Նոր Զուգայի թիւ 477 մագաղաթ բոլորգիր աւետարանին (գրուած 1300-ին) վերջին ստացողն է Ջալալ Բէկ՝ որդի Սօջայ Սաֆարին, որ թողուցած է չափազերեալ խիստ շահեկան յիշատակարան մը իր տոհմին ճիւղագրութեան մասին: Այս յիշատակարանը պիտի ներկայացնեմ իր կարգին, սակայն, հոս հարկ է յիշել որ Ջալալ Բէկ իր յիշատակարանին մէջ կը յիշէ «Այլ եւ պապուն իւրեանց մեծին, իշխանաչուք Աղա Սաչիկին, իւրեանց հա-